

**CENTRALNA BANKA  
BOSNE I HERCEGOVINE**

Broj: 150-15-4-2570- **G** /19 SAK  
Sarajevo, **08.11** 2019. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3) člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine, donosi

**ODLUKU**

**o poništenju postupka javne nabavke usluga provjere zdravstvene sposobnosti službenika sigurnosti Centralne banke Bosne i Hercegovine Filije Brčko**

**Član 1.**

(1) Ovom odlukom se poništava postupak za nabavku usluga provjere zdravstvene sposobnosti službenika sigurnosti Centralne banke Bosne i Hercegovine Filije Brčko, procijenjene vrijednosti u iznosu od 1.159,00 KM (slovima: hiljadustotinupedesetdevet konvertibilnih maraka i 00/100), iz razloga što primljena ponuda nije prihvatljiva.

(2) Postupak javne nabavke iz stava (1) ovog člana proveden je u skladu sa Pravilnikom o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH broj: 66/16).

**Član 2.**

Centralna banka će o rezultatima provedenog postupka javne nabavke obavijestiti ponuđača.

**Član 3.**

Za realizaciju ove odluke zadužuju se Centralna banka Bosne i Hercegovine Filijala Brčko, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

**Član 4.**

Ova odluka će se objaviti na web stranici Centralne banke Bosne u Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

**O b r a z l o ž e n j e**

Postupak javne nabavke usluga provjere zdravstvene sposobnosti službenika sigurnosti Centralne banke Bosne i Hercegovine pokrenut je Odlukom o pokretanju postupka, broj: 150-15-4-2570-2/19 SAK od 11. oktobra 2019. godine.

U skladu sa članom 8. stav (1) Zakona o javnim nabavkama ( Službeni glasnik BiH, 39/14) i članom 7. stav (3) i (4) Pravilnika o postupku dodjele ugovora o uslugama iz Aneksa II dio B Zakona o javnim nabavkama ( Službeni glasnik BiH, broj: 66/16 ), Centralna banka je, 18. oktobra 2019. godine, na web stranici [www.cbbh.ba](http://www.cbbh.ba) objavila Poziv za dostavljanje ponuda, broj:150-15-4-2570-4/19, te ga uputila na sljedeće adrese:

1. JZU Zdravstveni centar Brčko, Reisa Džemaludina Čauševića 1, 76 100 Brčko Distrikt;
2. Poliklinika dr. Nišić, Asima Derviševića 2, 76 100 Brčko Distrikt;
3. Poliklinika Ghetaldus, Bosne Srebrene 6, 76 100 Brčko Distrikt.

U predviđenom roku za dostavljanje ponuda blagovremeno je dostavljena ponuda ponuđača JZU Zdravstveni centar Brčko.

Komisija za provođenje postupka javne nabavke je izvršila pregled i ocjenu blagovremeno pristigle ponude i konstatovala da je ponuda ponuđača JZU Zdravstveni centar Brčko neprihvatljiva iz sljedećih razloga:

- Ponuda nije uvezana čvrstim uvezom i nije numerisana;
- Obrazac za dostavljanje ponuda (Prilog I) nije ovjeren od strane ponuđača i ne sadrži podatke o mjestu i datumu ovjere istog;
- Izjava iz člana 52. Zakona o javnim nabavkama (Prilog III) nije ovjerene od strane nadležnog tijela (notar/općina);
- Ponuđač nije dostavio potvrde o uspješnoj realizaciji ugovora u skladu sa zahtjevima iz Poziva za dostavljanje ponuda. Ponuđač je dostavio kopije ugovora, odluka o izboru, narudžbenice. Dostavljene kopije se ne mogu uzeti kao dokaz uspješne realizacije ugovora. Pozivom za dostavljenj ponuda su tražene isključivo potvrde o uspješnoj realizaciji ugovora.

Shodno navedenom Komisija za provođenje postupka javne nabavke je u u svom Zapisniku o pregledu i ocjeni ponuda, broj: 149-15-4-2710-4/19 od 04. novembra 2019. godine i Izvještaju o radu komisije sa Preporukom broj: 149-15-4-2710-5/19 od 04. novembra 2019. godine dala preporuku za donošenje odluke kao u dispozitivu.

#### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

**GUVERNER**  
**dr. Senad Softić**



Dostaviti:

- guverneru
- viceguvernerima
- uredu glavnog internog revizora
- predsjedniku i članovima komisije
- Centralnoj banci Bosne i Hercegovine Filijali Brčko
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)
- arhiva